



Letsatsi la machaba la Thapelo le Seli Ka khoebisano ka Batho

La 8 Hlakubele

Mokete oa Josphine Bakhita ea halalelang

Tse fetileng/Sesosa

Josephine Bakhita o hlaile ka 1869 ka boroa ho Sudan. A koeteloa a sa le monyane, a rekisoa ho ba lekhoba 'me a phela tlasa litlhokofatso, bokhobo le ho sebelisoa hampe. Ka 1883 a rekoa le Letaliana leo e neng e le moemeli oa naha ea hab'ona moo 'me la mo nka ho ea Italy le lelapa. Ha morao ea eba moitlami ka lilemo tse 50 'me a phela bophelo ba thapelo le bosebeletsi e le moitlami ea halalelang. Ha u batla ho tseba ho feta ka Josephine Bakhita kena websiteng « click on the link ».

<http://www.snjm.org/en/our-news/more-news/731-the-snjm-invites-you-to-celebrate-the-first-international-day-of-prayer-and-awareness-against-human-trafficking>



Boitokisetso ba thapelo

Khabisa sebaka seo le tla kopanela ho sona ka setsoantso sa Josephine Bakhita, kerese ea setho se seng le se seng se teng esita le lipalesa kapa setlama le ka pontsuo efe kapa efe eo u ka ratang ho eketsa ka eona.

Lentsoe la 1 : Ka la 8 Hlakubele, 1947 Josephine Bakhita a shoa lefu le bohloko. Nakong eo e thata a hopola mahlahlala a matsatsi a bokhoba a thatoloha kelellong ea hae a hoeleketsa "Tlosa ketane tsena, li nkutloisa bohloko."

- Potso sebakeng sa kabelano: Na u se u kile oa thulana le bothata bo siileng letsoao bophelong ba hau?

A re rapeleng:

Molimo oa Bo safeleng, *re a tseba hore u na le lerato le khetheleng sebakeng sa mafutsana le bana. Rea tseba hore u loanela bao litokelo tsa bona li sa hlomphuoeng. Re hopola bana, bacha, basali le banna ba rekoang le ho rekisoa e le khoebo. U Molimo ea mosa le mohau 'me u ke ke ua lebala mabitso a bona, joalo ka ha a ngotsoeng ka hara seatla sa hau. (Khantša kerese kapa likerese.)*

Lentsoe la 2: Re inahana ka seo a ileng a se fumana bongoaneng, a rekisoa a le lilemo li 9, Bakhita a re, “Ke ne ke hopola lelapa leso feela. *Ka hoelehetsa ‘M’e oa ka le Ntate oa ka ka mahlomola ao ke sitoang ho a hlalosa a neng a le pelong ea ka. Empa ha ho ea ileng a ‘mamela.’*”

- **Potso sebakeng sa kabelano:** Na u se u kile oa sala shalabeng kapa hole le le hae la hau?

A re rapeleng:

Molimo ea mosa ea mohau re fe matla a ho buoa khahlanong le ho hloka toka le tlheketso, *ho hanana le tlolo ea litokelo tsa botho ka khoebisano ka batho, ho ema le bana, ho buella ba thibetsoeng ho ipuella. U Molimo ea mosa le mohau ‘me u ke ke ua lebala mabitso a bona, joalo ka ha ngotsoe ka hara seatla sa hau.* ([Khantsa kerese kapa likerese.](#))

Lentsoe la 3: Ha a le lilemo li 24 Bakhita a kopa ho kena kopanong ea baitlami bao a phetseng le bona ka lilemo tse ngata. Moitlami eo e neng e le mookameli ka nako eo a re ho eena, “mala oa motho kapa boemo ba hae sechabeng hase tsona tse ka mo sitisang ho ba moitlami.” Bakhita a qala koetliso/novitiate ea hae ka Tšitoe, 1893.

- **Potso sebakeng sa kabelano:** E be ke ne nka etsa joang haeba mosali eo ho ileng hoa hoebisano ka eena a kopa ho ba setho kopanong ea rona, setho-mothusi, setho se inehetseng kapa moithaopi?

A re rapeleng:

Oho Molimo, *re u kopa hore u fe bohle ba sebetsang khahlanong le Khoebisetsano ka Batho kutloisiso, sepheo, mohau, bohlale, matla le phehello. E se e ka kaofela re ka sala re tšepahala boitlamong ba rona ba ho sebetsa ka boinotsi le ka sehlopha ho loanela bao ba oetseng mameneng a Khoebisano ka Batho. U Molimo ea mohau ea mosa ‘me ha u na ho lebala mabitso a rona, joalo ka ha a ngotse ka hara seatla sa hau.*

([Khatšang likerese tse setseng.](#))

([Khutsang metsotsoana. Pina e ileng ea qala e ka sebelisoa kapa ha latela khutso le pina ho tsoarano e ka matsoho e le letsoao la nchafatso ea boitlamo.](#))

Thapelo ea ho koala:

Oho Molimo, a k’u re fe bohlale le matla a ho ba haufi le bao ba entsoeng maqeba ‘meleng, pelong le moeeng. Hammoho le bona re ke re phatlalatse tšepiso ea hau ea bophelo ka botlalo, mohau le lerato le se nang moeli sebakeng sa bohle ba qhojuoeng. A k’u ame lipelo tsa ba amehang phatlalatsong ea Khoebisano ka Batho. Re fe matla a ho ntsetsa pele boitlamo ba rona ho ea tokolohong, mpho ea hau ho batho bohle. AMEN.

Lintho tse ka etsahalang:

- Arolelana thapelo ena le batho ba bang
- Boloka HT (Khoebisano ka Batho) e le maemong, haholo litaba tse khethehileng
- Sebeletsa ho nyolla molao o tla khaotsa HT
- Kamehla rapella boa ho hoebisanoeng ka bona le hore HT e fele
- Theha sehlopha se khahlanong le HT